



## KENYATAAN MEDIA

### SITUASI TERKINI JANGKITAN COVID-19

### DI NEGARA BRUNEI DARUSSALAM

**28 Jamadilawal 1442 / 12 Januari 2021**

1. Kementerian Kesihatan ingin memaklumkan kepada orang ramai bahawa pada hari ini, Selasa, 28 Jamadilawal 1442H bersamaan dengan 12 Januari 2021, **satu kes baru** jangkitan COVID-19 telah disahkan di negara ini yang membawa **jumlah keseluruhan kes COVID-19 di negara ini kepada 174 orang.**

- Kes 174 ialah seorang lelaki berumur 28 tahun telah tiba ke negara ini pada 30 Disember 2020 dari India dengan menaiki Penerbangan BI4112. Beliau tidak mempunyai sebarang tanda-tanda jangkitan dan pada masa ini sedang berada di Pusat Pengasingan Kebangsaan bagi pemantauan dan rawatan. Pengesanan kontak (*contact tracing*) bagi kes ini sedang giat dijalankan.

2. Dengan pengesanan kes baru ini, terdapat 18 kes aktif sedang dirawat di Pusat Pengasingan Kebangsaan. Satu kes yang sebelum ini telah dimasukkan ke Unit Penjagaan Intensif bagi pemantauan dan rawatan rapi telah beransur pulih dan sekarang sedang dirawat di wad perubatan di Pusat berkenaan. Kesemua pesakit adalah dalam keadaan yang baik.
3. Dengan pengesanan kes-kes baru ini juga, sebanyak **33 kes import** telah disahkan sejak kes jangkitan tempatan terakhir dilaporkan pada 6 Mei 2020 yang mana dengan ini, Negara Brunei Darussalam telah mencatatkan **251 hari** tanpa kes jangkitan tempatan COVID-19.
4. Pada hari ini, seramai **593** orang sedang menjalani pengasingan diri mandatori di pusat-pusat pemantauan yang telah ditetapkan oleh Kerajaan iaitu mereka yang baru tiba ke negara ini setelah melakukan perjalanan dari luar negara. Setakat ini, seramai **11,096** orang telah menamatkan

pengasingan diri mandatori di kemudahan-kemudahan berkenaan.

5. Dalam tempoh 24 jam yang lalu, sebanyak **235** sampel telah diuji bagi virus SARS-CoV-2 yang membawa jumlah keseluruhan ujian makmal dijalankan sejak Januari 2020 kepada **85,871** ujian.
  
6. Kementerian Kesihatan ingin mengingatkan orang ramai untuk mengamalkan tanggungjawab sosial masing-masing semasa pandemik ini. Selain itu, orang ramai adalah juga disarankan untuk sama-sama bertanggungjawab dalam menjaga keselamatan penduduk Negara Brunei Darussalam dengan memastikan mereka tidak melanggar peraturan-peraturan yang telah dikeluarkan semasa pandemik COVID-19 ini, termasuk tidak menyeberangi sempadan ke negara jiran melalui jalan-jalan tikus ataupun jalan-jalan penyeludupan. Sehubungan dengan itu, orang ramai yang mempunyai sebarang maklumat mengenai perjalanan atau aktiviti di sempadan melalui jalan-jalan yang disebutkan di

atas hendaklah memaklumpkannya kepada agensi-agensi Kerajaan yang berkenaan dengan segera.

7. Sementara itu, Kementerian Kesihatan juga ingin memaklumkan kepada orang ramai bahawa Kementerian Kesihatan akan melaksanakan satu kajiselidik kebangsaan mengenai penerimaan orang ramai terhadap penggunaan vaksin COVID-19 bermula dari 15 sehingga 28 Januari 2021. Kajiselidik berkenaan akan dibukakan kepada orang ramai yang berumur 18 tahun ke atas melalui aplikasi BruHealth pada tarikh yang telah dinyatakan tadi. Hasil kajiselidik ini akan dapat membantu Kementerian Kesihatan dalam merancang kaedah yang terbaik bagi melaksanakan program vaksinasi COVID-19 di Negara Brunei Darussalam. Ianya juga akan membantu dalam memastikan program vaksinasi tersebut akan dapat berjalan dengan baik dan lancar apabila ia dimulakan nanti. Penyertaan orang ramai dalam kajiselidik ini nanti adalah sangat dialu-alukan dan kerjasama orang ramai adalah sangat dihargai. Semua jawapan atau *response*

yang diberikan akan dirahsiakan dan tidak akan menjejaskan warna kod BruHealth peserta-peserta kajiselidik.

8. Untuk maklumat lanjut dan perkembangan terkini, orang ramai boleh melayari laman web Kementerian Kesihatan iaitu [www.moh.gov.bn](http://www.moh.gov.bn) atau menghubungi Talian Nasihat Kesihatan 148 atau melalui aplikasi BruHealth.

- **TAMAT** -

Rujukan : KK/PR/2

Tarikh : 28 Jamadilawal 1442H / 12 Januari 2021